

SARS E MALALA-A-LAOTSWE HO PHETHAHATSA HO NYOLOHA HA VAT

Pretoria, 27 Tihakubele 2018 – Ditshebeletso tsa Lekgetho tsa Afrika Borwa (SARS) di malala-a-laotswe ho phethahatsa ho nyoloha ha Lekgetho la Boleng bo ekeditsweng (VAT) ho tsebisitsweng ke Letona la Ditjhelete ka Hlakola.

Letona le tsebisitse hore sekgahla sa VAT se tla nyoloha ho tloha ho 14% ho isa ho 15% ho qala ka la 1 Mmesa 2018.

Dihlopha tsa SARS esale di ntse di sebetsana le diphetoho tsa mekgwatshebetso e sebediswang ho fumana ditsebahatso tsa VAT tse entsweng ke barekisi le ho sebetsa palo ya pusetso efe kapa efe ya VAT mmoho le VAT e kolotwang SARS. Ho se ho entswe diphetoho foromong ya VAT201 hore di tle di hlalise sekgahla sena se nyolohileng sa VAT.

Barekisi ba sebedisang SARS eFiling ho nehelana ka dikgutliso tsa bona tsa VAT mme ba se ba bolokile dikgutliso tsa nako ya pele le ka mora la 1 Mmesa 2018 ba tla hlokomela hore dikgutliso tseo tse bolokilweng di tlositswe ka ha di kentse dikgahla tse fosahetseng tsa VAT. Barekisi ba tlameha ho kopa VAT201 e ntjha ho eFiling.

SARS e boela e ipiletsa ho barekisi ho ntjhafatsa mekgwatshebetso ya bona ho re e ikamahanye le sekgahla se setjha sa VAT ha ho ntse ho itokisetwa la 1 Mmesa 2018. Sena se tla fokotsa ho ferekana ha khastamara mme di nolofaletse barekisi ho dula ba ikobela tefo ya lekgetho le ho etsa hore ho be le ditsebahatso tse nepahetseng tsa SARS.

Barekisi ba kgothaletswa ho etela [leqephe la websaete la Lekgetho la Boleng bo ekeditsweng \(VAT\)](#) moo teng ba tlang ho fumana [Bukana ya Tataiso](#) le letoto la [Dipotso tse botswang Kgafetsa](#) ho ba thusa ho utlwisisa ditlamorao tsa ho nyoloha ha VAT hodima mefuta e fapaneng ya ditransekshene.

SARS ebile e na le aterese e ikgethang ya imeile ya VAT e leng VATRateEnquiries@sars.gov.za, eo barekisi ba ka lebisang dipotso le ditlhakisetso ho yona. Barekisi ba ka boela ba ikopanya le SARS Contact Centre ho 0800 00 7277.